

# **SECZIUN PÉZ AULT**

PROTOCOL DALLA RADUNONZA GENERALA

DILS 27-01-2023 ALLAS 20.00 URAS

ELL' AULA A VELLA





---

**Tractandas:**

1. Beinvegni ed elecziun dils dumbbravuschs
2. Approbaziun dil protocol dalla radunonza generala dils 28-01-2022 e dalla radunonza da secziun dils 29-04-2022
3. Rapports annuals
4. Rendaquen dil cassier, rapport annual dils revisurs ed approbaziun dil quen annual
5. Fixar las contribuziuns annualas
6. Prender conclus davart propostas permauns dalla Suprastonza centrala dalla Uniun da catschadurs cantunala
7. Approbaziun dil program annual
8. Honoraziuns / mutaziuns
9. Elecziuns per ina perioda d'uffeci da dus onns
10. Elecziun dils delegai dalla secziun per il cuoz d'in onn
11. Diversas informaziuns
12. Varia



## 1. Beinvegni ed elecziun dils dumbravuschs

Il president Martin Mark arva la radunonza allas 20.01 uras e fa a tuts presents in cordial beinvegni. In special beinvegni va alla survigiladra da catscha Pirmina Caminada ed al survigilader da catscha Arnold Caminada.

**Presents:** 31 commembers / commembras

**Perstgisas:** Marco Casanova, Boris Caduff, Patric Caduff, Michael Mosch, Clotilda Caviezel, Marco Blumenthal, Gian Marco Casanova, Sven Cadonau, Marcel Casanova, Laura Casanova, Julian Derungs

Las tractandas vegnan approbadas tenor l'invitaziun. Il president constatescha che la radunonza ei habla da decider.

Sco dumbravuschs vegnan Simon Camenisch e Pascal Casanova proponi ed eligi unanimamein.

## 2. Approbaziun dil protocol dalla radunonza generala dils 28-01-2022 e dalla radunonza da secziun dils 29-04-2022

Ils presents han neginas objecziuns ni cumpletaziuns enviers omisdus protocols, ils quals vegnan approbai unanimamein. Il president Martin Mark engrazia alla actudara Vanessa Derungs per ils protocols.



### 3. Rapports annuals

#### President:

La secziun ha entschiet il niev onn, sco usitau, cun la radunonza generala ils 28.01.22. Tier quella havein aunc giu restricziuns pervia da corona. Era quei tema havein el decuors digl onn astgau emblidar.

Ils 26 da favrer sundel jeu staus alla radunonza da presidents a Favugn, nua ch'igl ei vegniu informau, denter auter, pertuccont il questiuari „ co vinavon cun la catscha grischuna“.

Ils 13 avrel ha Arnold clamau ensemen ils presidents dil district ad ina sesida extraordinaria. Quei, en emprema lingia, per puspei inaga seser ensemen e saver sediscuorer sur dalla catscha.

Las radunonzas dil district han giu liug ils 20 d'avrel ed ils 14 da december a Glion. Suenter quella vai jeu saviu sediscuorer cun la secziun Bostg pertuccont il salvament d'anseuls cavriel cun drona. Jeu vai astgau visitar els ad in exersezi ch'els han menau atras per che jeu sappi far in maletg da quell'entira caussa. Suenter divers discuors e telefons vai jeu anflau commembers che fissan prompts da sgular cun la drona ed il responsabel dil cantun ha mess nus sin la gliesta da spetga per ina drona.

Il gi da tgira havein fatg ils 23 d'avrel. Uonn havein fatg quel communabel a Bual sut. Quei project ei vegniu organisau ensemen cun la vischnaunca Lumnezia ed era vegniu indemnisau da lezza. Menau nus tras quei gi ha Fadri Beeli ed nies cau da tgira ad interim Adrian Casanova. Ad el lessel jeu engraziar zun fetg per la lavur ch'el ha fatg en favur dalla secziun cun nos candidats.

Ina jamna pli tard ei la radunonza da secziun stada. Jeu vai stuiu perstgisar el davos mumment, perquei che jeu erel malsaus en letg. Aschia ha Vanessa astgau ni forsa stuiu menar quella radunonza cun in per cavazins che jeu havevel preparau. Sco jeu vai udiu las jamnas suenter ha ella fatg quei grondius.

Ils 14 da matg ein ils delegai, Conrad Capeder, Ervin Derungs, Vanessa Derungs ed jeu, stai alla radunonza da delegai a Ftan. Nus havein passentau in bellezza gi cun ina grondiusa tscheina ell'Engiadina. Bu dil tut in meins pli tard, numnadamein ils 11 da zercladur havein gia giu la proxima fiasta. Finalmein suenter treis onns havein nus puspei saviu menar atras nossa sera da catschadurs. Per che nus dumognien da miserar ora ed era per che nus hagien plaz per las trofeas ha la suprastonza decidiu che mintga commember astga purtar maximal treis trofeas. Aschia ei la preit stada ornada cun fetg biala corna. La musica e la gruppa da tscheiver da Vrin han organisau e surviu si nus duront quella sera. Ad els in grond engraziament per tut quei.



Il trenaments da sittar ha mintga commember saviu far naven da il matg entochen fin uost. Al tir intern han ils davos onns adina pli paucs priu part, aschia ch'igl ei vegniu decidiu da far quel en duas gadas. Quei ei stau la sonda ils 30 da fenadur ed il venderdis ils 5 d'uost. En tut han 49 comembers priu part, quei ei 15 dapli ch'il davos onn.

La veta da secziun ha puspei entschiet a viver si. Corona ei vargau ed aschia vegn era il marcau daniev menaus atras. Ils catschadurs da Morissen han drizzau en lur bar e quella ei marschada detg stupend. Ad els lessel engraziar per lur engaschi. Spezialmein a Simon Camenisch, in cuort telefon ha tunschiu ed el ha organisau quell'entira caussa.

Quei che fatschenta mei mintga onn da niev ei la munconza da gidonters. Nus dalla suprastonza stuein adina puspei encurir gidonters, stuein adina telefonar e dumandar suenter spezialmein sch'ins havess peda da vegnir a segidar. Sco exempel dalla lavur cumina el stan da sittar. Cura ch'igl ei dad ir a sittar ei mintga commember habels da leger suenter ei sil plan, denton sche nus havein lavur cumina stuein telefonar e dumandar suenter, per che nus seigien buca persuls vid far tut la lavur. A quels che vegnan e segidan lessel engraziar e sperel ch'els segidan vinavon aschia.

Sco davos engraziel a mes consuprastonts e consuprastonta per lur buna e premurada lavur per nossa sécziun. Igl ei stau fetg emperneivel da luvrar ensemen cun vus.

Morissen, schaner 2023

Il president Martin Mark

Il rapport vegn appropaus cun in grond applaus. L'actuara Vanessa Derungs engrazia al president Martin Mark per sia fetg buna lavur.



**Strassenverblendungen Sektionsgebiet Pez Ault 15/16.06.22**

Strassenverblendungen kontr. Ersetzen,100 stk neu montiert.

Kandidat Rolf Fischer 9.5 Std

**Freihaltung brachliegender Wiesen****Camuns-Seglias 18/23.07.22**

Maurus Arpagaus,Dario Arpagaus,Marco Derungs Ruschein,Alexi Derungs,Tarcisi Derungs Küblis, Rolf Fischer K.

**Plauncas Camuns 19.07.22**

Nazi Albin,Anita Arpagaus,Bruno Solér, Rolf Fischer K.

**Plauncas Seniastras Morissen uost 22**

Flurin Caduff,Marcel Caduff,Duri Camenisch, Simon Camenisch

**Büelamatt**

Cultivau sco igl onn Vargau tenor Tel da Pauli Riedi cun Daniel Soler.

**Rehkitzrettung :**

Marco Casanova 6 std.

Martin G. Capaul 3 std.

Luca Casanova 3 std

Sven Casanova 3 std.



Vignogn, november 2022

Preziada suprastonza dala secziun Pèz Ault

Igl onn da tgira 2022 va per mei uss alla fin. Igl ei stau in interessant e pulit stregh tems. Culs 3 candidats Clotilda, Michael e Rolf eis ei reussiu a mi da ademplier bein enqual pensum dau avon dala commissiun da tgira.

Plinavn vein cun agit da commembers era saviu surpassar il budget da pensum. P.ex. Givras (Wintereinstand)

Leu havein tenor discuors cun Arnold Caminada saviu far dapli lavur che previu.

En entgins projects annunziats eis ei denton vegniu fatg negina tgira, ils motivs ein a mi buca enconuschents.

Sche vegn giavischau sundel prompts da metter ensemen in rapport dalas lavurs da tgira 2022 sin radunonza generala.

Demai che jeu e Michael havein duvrau nossas resgias da cadeina privatas pulit intensiv (bien 50 uras per resgia) selubin da tschentar quen per in ton!!

Adrian:	Auto privat, resgia da cadeina, trimmer	pauschal	Fr. 300.—
	Gentar cul candidats		Fr. 126.50
	Runda da beiber tier Maria Barla		Fr. 31.50
		<b>Total</b>	<b>Fr. 458.00</b>

Michael : Quen cedel separat

Cun amicabels salids

Adrian Casanova

Il rapport vegn approbaus unanimamein. Il president Martin Mark engrazia ad Adrian Casanova per sia promptadad da surprendre quei post dil cau da tgira duront igl onn 2022 e per sia buna lavur.



**Cau dil stan da sittar:****Sesiun 2022**

La sesiun da tir ha entschiet la fin da matg. En tut han 10 occurrenzas d'exercezis giu liug.

Il tir intern 2022 ha giu liug ils 30 da fenadur ed ils 5 d'uost. Separticipai ein 49 tiraduras e tiradurs. En cumparegliaziun cugl onn vargau, ca. 1/3 dapli.

**Muniziun**

La muniziun ei vegnida per part tochen 20% pli cara ed ins survegneva buca quei ch'ins leva. Plinavon era ei magari da spitgar gitg sin la furniziun.

**Lavurs da manteniment**

Tier las schibas han quater motors electricis stuiu vegnir remplazzai.

Duront la sesiun da tir han il cau dil stan e siu substitut cun denteren entgins gidonters segau igl areal entuorn il stan da sittar.

**Lavur cumina**

Lavur cumina ei vegniu fatg ils 21 da matg, ils 9 da fenadur ed ils 6 d'uost. Denter auter ei vegniu schubergiau ils indrezs dil stan, segau e remplazzau pals dalla seiv. Igl october ei vegniu fatg uorden, priu ora il plum dils pegliaballas e rugalau naven il stan per igl unviern.

Separticipai ein 15 personas. Plirs ein stai prompts da vegnir differentas gadas. Entgins han fatg diever dallas atgnas maschinas. A tuts, bien engraziament persuenter.

**Engraziament**

La collaboraziun cun ils responsabels per il stan da sittar ha funcziunau bein. Cun in pèr excepziuns ein ils plans da lavur vegni teni en.

Nus essan visai sin buns gidonters che prestan adina puspei lavur cumina ni segidan autr'uisa. In grond engraziament ad els per la fideivladad e per la buna lavur prestada.

*Il cau dil stan*

*Samuel Caviezel*

Vrin, schaner 2023

Il rapport vegn approbaus unanimamein ed il president Martin Mark engrazia al cau dil stan da sittar Samuel Caviezel per sia lavur prestada.



#### **4. Rendaquen dil cassier, rapport annual dils revisurs ed approbaziun dil quen annual**

Nies cassier Dario Caduff presenta il quen annual als presents. Il quen annual digl onn 2022 terminescha cun entradas da 37'971.95 francs ed expensas da 44'173.50 francs. Aschia seresulta in minus da 6'201.55 francs.

Il revisurs da quen Alexi Derungs e Marcel Casanova han controllau il quen annual. La contabilitad seigi stada menada fetg schuber e tut ils mussaments necessaris seigien avon maun. Els engrazian a Dario Caduff per sia grondiusa lavur. Il dus revisurs da quen Alexi Derungs e Marcel Casanova proponan d'approbar il quen.

Nies president Martin Mark engrazia a Dario Caduff ed era als dus revisurs da quen per lur buna lavur.

Sinaquei vegn il quen digl onn 2022 approbaus unanimamein.

#### **5. Fixar las contribuziuns annualas**

Il president presenta cuort las contribuziuns annualas che valevan tochen dacheu:

Commembers A: 100 francs

Commembers B: 55 francs

Commembers passivs: 50 francs

La suprastonza propona dad alzar las contribuziuns annualas per mintgamai 10 francs.

Suenter cuorta discussiun decida la radunonza dad alzar las contribuziuns per mintgamai 10 francs. Quei cun 26 vuschs persuenter e neginas vuschs encunter la proposta.

#### **6. Prender conclus davart propostas permauns dalla Suprastonza centrala dalla Uniun da catschadurs cantunala**

La suprastonza ha neginas propostas permauns dalla Suprastonza centrala dalla Uniun da catschadurs cantunala. Ei dat era neginas propostas ord las retschas dils presents.



## 7. Approbaziun dil program annual

Il program annual provisoric ei publicaus sin la pagina d'internet dalla secziun.

### Program digl onn 2023

- **27-01-2023** radunonza generala a Vella
- **04-03-2023** radunonza da presidents a Favugn
- **22-03-2023** raduonza dil district a Glion
- **mars/avrel** sera da catschadurs, datum dependa dalla uniun che surprinda la sera da catschadurs
- **22-04-2023** di da tgira (di da reserva: 29-04-2023)
- **28-04-2023** raduonza da secziun, stan da sittar
- **13-05-2023** radunonza da delegai a Trimmis
- **matg - uost** trenament da sittar, responsabel: Samuel Caviezel
- **29-07-2023** fir intern
- **04-08-2023** fir intern
- **december** radunonza dil district
- **fin december** marcau da Daniev
- **26-01-2024** radunonza generala a Vella

Il program digl onn 2023 vegn approbaus unanimamein.



## 8. Honoraziuns / mutaziuns

### Honoraziuns

- Commembers che completeschan egl onn current (2021) 60 onns e ch'ei sil pli pauc 25 onns senza interrupziuns commembers dall'uniun cantunala, daventan veterans dall'uniun cantunala, quei ein: Pauli Riedi Morissen
- Commembers ch'ei sil pli pauc 25 onns senza interrupziuns commembers da nossa secziun, daventan veterans da secziun, quei ein: Marcel Caduff Trimmis
- Commembers che completeschan egl onn current (2021) 75 onns e ch'ei sil pli pauc 25 onns senza interrupziuns commembers dall'uniun cantunala, daventan commembers libers, quei ein: Guido Derungs Uors, Sighis Cantieni Rumein, Leo Blumenthal Vella

### Mutaziuns

Nus havein dus candidats: Claudio Bühler Vella, Lorena Cadalbert Sevgein

Entradas: Sven Casanova Vignogn, Lucian Alig Vrin, Marco Blumenthal Vella  
Tut ils presents ein d'accord da prender si quels treis sco novs commembers da nossa secziun.

Extradas: Nicolaus Cantieni Glion, Roman Capaul Falera, Ruedi Giger Mont,  
Remo Casanova Laax, Andrea Caviezel Vrin, Gieri Derungs Tischinas,  
Giusep Lombris Vella

Mortoris: Claudio Halter Vella e Gion Gieri Capaul Degen

Tut ils presents seregordan in mument dils commembers che han bandunau nus per adina igl onn vargau.



## 9. Elecziuns per ina perioda d'uffeci da dus onns

### Acutuara

L'actuara Vanessa Derungs ha buca demissiunau e vala sco proponida. Ella vegn reeligida cun in applaus.

### Cau dil stan

Il cau dil stan Samuel Caviezel ha buca demissiunau e vala sco proponius. El vegn reeligiis cun in applaus.

### Revisur da quen

Alexi Derungs ha buca demissiunau sco revisur da quen. El vegn proponius e reeligiis cun applaus.

### Suppleant revisur da quen

Sco suppleant revisur da quen vegn Gioni Capaul reeligiis cun in applaus.

### La cumissiun da tgira

La cumissiun da tgira vegn eligida mintg'onn. Ella cumissiun da tgira ein ils suandonts commembers: Simon Camenisch, Bruno Solèr, Lucas Caduff, Gian Marco Casanova, Marco Casanova, Martin Alig e Ramon Caviezel.

Negin dils commembers ha demissiunau. Tut ils commembers vegnan reeligi cun applaus.

Il president engrazia a tut quels ch'ein e restan vinavon en lur uffecis.

## 10. Elecziun dils delegai dalla secziun per il cuoz d'in onn

Quels delegai dalla secziun prendan part alla radunonza dil BKPJV, che ha liug ils 13-05-2023 a Trimmis. Il president Martin Mark vegn ad ir alla tscherca da commembers ch'ein prompts da prender part a quella radunonza.



## 11. Diversas informaziuns

### Informaziuns pertuccont la tgira

Il cau da tgira Daniel Solèr informescha. Certas personas han para fatg tgira ed han tuttina retschert il pagament da tgira. Daniel Solèr supplichescha ils commembers dalla secziun dad informar el ad uras, nua e cu els van a far tgira, per evitar da quellas malcapientschas el futur.

Plinavon informescha el la radunonza ch'in di da tgira communabel vid in project per la vischnaunca porta alla secziun dapli daners ch'ils projects els vischinadis.

Era Adrian Casanova pren il plaid e di ch'ils projects els vischinadis stoppian vegni annunziati ordavon al cantun, per che la secziun sappi quintar giu quels. Ils projects per igl onn 2023 seigien vegni annunziati dalla cumissiun da tgira al cantun.

A caschun dalla davosa sesida da suprastanza dils 11-01-2023 ha la suprastanza decidiu da far la primavera in di da tgira en mintga vischinadi vid ils projects. In di da tgira communabel vid in project per la vischnaunca sa vegnir fatgs sco tochen da cheu tenor basegn.

## 12. Varia

- Il president prelegia la brev da Gian Marco Casanova pertuccont exerchezis da sittar. La suprastanza ei dil meini ch'ils organisaturs respectiv responsabels astgan decider, cu e con savens ch'ils exerchezis da sittar han liug. Mintga tiradur duei occupar tenor saun giudezi in plaz da sittar el stan, aschia che tut quels, che vulan sittar, han aunc la caschun da far quei.  
Ord las retschas datti neginas remarclas davart la brev.
- Il president Martin Mark engrazia a tuts e terminescha la radunonza allas 21.08 uras. El giavischa a tuts in bien retuorn a casa.  
Il president retscheiva in applaus.

Laax, ils 07 da fevrer 2023

L'actuara

Vanessa Derungs